

GJALDSKRÁ

vegna starfsleyfisskyldra fyrirtækja samkvæmt reglugerð nr. 389/1990.

1. gr.

Gjöld fyrir vinnslu starfsleyfis og sérhæft eftirlit.

Hollustuvernd ríkisins skal innheimta gjöld vegna vinnslu starfsleyfa og sérhæfðs eftirlits með starfsleyfisskyldri starfsemi skv. greinum 3.6. og 8.2.1 í reglugerð nr. 389/1990, í samræmi við gjaldskrá þessa.

Atvinnurekstur sem upp er talinn í viðauka 7 í reglugerð nr. 389/1990 skal greiða gjald fyrir vinnslu starfsleyfis við veitingu starfsleyfis skv. 8. kafla reglugerðarinnar og árlegt gjald vegna sérhæfðs eftirlits skv. grein 3.5 í reglugerðinni, sem hér segir:

	Starfsleyfisvinnsla	Sérhæft eftirlit
1. flokkur	kr. 490 000	kr. 245 000
2. flokkur	kr. 87 000	kr. 61 000
3. flokkur	kr. 46 000	kr. 26 000
4. flokkur	kr. 15 500	kr. 10 500

Í þeim tilvikum sem unnið er starfsleyfi fyrir ólíka þætti í starfsemi sama fyrirtækis, er heimilt að innheimta sérstakt gjald fyrir hvern þátt.

2. gr.

Úttekt vegna starfsleyfisvinnslu.

Telji Hollustuvernd ríkisins eða umsagnaraðilar að upplýsingar um mengun og áhrif hennar á umhverfið skorti má, samkvæmt gr. 8.2.5. í reglugerð nr. 389/1990, setja sem skilyrði að fram fari úttekt, það er athuganir, mælingar eða rannsóknir á kostnað umsækjanda.

Taki Hollustuvernd ríkisins þátt í að undirbúa, framkvæma eða hafa eftirlit með úttekt, það er athugunum, mælingum eða rannsóknum skv. þessari grein, skal umsækjandi greiða stofnuninni skv. gjaldskrá nr. 43/1991.

3. gr.

Breyting á starfsleyfi.

Fyrir breytingu á starfsleyfi, sérstakar athuganir og aðra sérfræðipjónustu skal greiða skv. gjaldskrá nr. 43/1991.

4. gr.

Úttekt vegna umhverfisvandamála.

Gefi eftirlit til kynna að um veruleg umhverfisvandamál sé að ræða, getur eftirlitsaðili krafist úttektar á kostnað hlutadeigandi aðila, samkvæmt reglugerð nr. 389/1990. Ágreiningi um nauðsyn slíkrar úttektar og/eða um kostnað má vísa til ráðherra eigi Hollustuvernd ríkisins hlut að máli.

Annist Hollustuvernd ríkisins úttektina skal greitt fyrir hana skv. gjaldskrá nr. 43/1991.

5. gr.

Ferða- og uppihaldskostnaður.

Auk gjalds skv. 1. gr. er heimilt að innheimta gjald fyrir akstur og annan ferða- og uppihaldskostnað vegna vinnslu starfsleyfis og sérhæfðs eftirlits.

6. gr.

Innheimta.

Hollustuvernd ríkisins innheimtir gjöld samkvæmt gjaldskrá þessari.

Gjalddagi eftirlitsgjalda er 1. apríl og eindagi 1. maí. Heimilt er að innheimta dráttarvexti sé gjald ekki greitt á eindaga.

Fyrir árið 1991 er gjalddagi eftirlitsgjalda 1. júlí og eindagi 1. ágúst.

Um innheimtu fer að öðru leyti samkvæmt lögum nr. 81/1988 um hollustuhætti og heilbrigðiseftirlit.

7. gr.

Frávik frá gjaldskrá.

Fari sérhæft eftirlit ekki fram samkvæmt því sem segir í lið 3.5.2 í reglugerð 389/1990 fellur gjalddaga niður frá og með þeim tíma sem eftirlitið skyldi fara fram og til þess tíma er það hefst.

8. gr.

Gildistaka.

Gjaldskrá þessi er sett skv. 17. gr. laga nr. 81/1988 um hollustuhætti og heilbrigðiseftirlit til þess að öðlast þegar gildi. Jafnframt fellur úr gildi gjaldskrá nr. 367/1990.

Umhverfissráðuneytið, 14. júní 1991.

F. h. r.

Páll Líndal.

Sigurbjörg Sæmundsdóttir.

GJALDSKRÁ**fyrir mengunarvarnaeftirlit á Hafnarfjarðarsvæði.**

1. gr.

Sveitarstjórnnum á starfssvæði heilbrigðiseftirlits Hafnarfjarðarsvæðis er heimilt að innheimta gjöld samkvæmt 3. og 5. gr. laga nr. 81/1988, um hollustuhætti og heilbrigðiseftirlit, af starfsemi sem valdið getur mengun, svo sem greinir í gjaldskrá þessari.

2. gr.

Eftirlitsskyldri starfsemi skal skipt í 3 flokka eftir gerð og umfangi í samræmi við fylgisskjal með gjaldskrá þessari.

3. gr.

Fyrir starfsleyfi sbr. 5. tl. 8. gr. mengunarvarnareglugerðar nr. 389/1990, er heimilt að innheimta leyfisgjald kr. 10 000,00.